

輿地廣記

卷之四十一



輿地廣記卷第二十五

江南西路

都督洪州春秋戰國屬楚秦屬九江郡漢高帝改為淮南國分置豫章郡東漢晉因之東晉置江州初治此後徙尋陽宋齊梁陳皆為豫章郡隋平陳郡廢置洪州大業初州廢復置豫章郡唐武德五年復曰洪州天寶元年曰豫章郡後升鎮南軍節度皇朝因之今縣入

望南昌縣秦為九江郡南部漢高帝六年置豫章郡其城即灌嬰所築東漢以後因之後改南昌曰豫章縣隋置洪州唐武德五年析置南昌鍾陵縣以南昌置豫州八年州廢省南昌鍾陵實應元年避肅宗諱改豫章曰鍾陵正元中又改曰南昌應劭漢官儀曰有豫章生於庭中故以名郡此木嘗中枯晉永嘉中一旦更茂咸以為中興之祥其後元帝果興大業

於江南故郭璞南郊賦云弊樟權秀於祖邑以司馬宣王之祖嘗為豫章太守故也有武陽水

望新建縣 皇朝太平興國六年析南昌縣置與南昌分治郭下有西山章水

望奉新縣本新吳縣漢中平中置晉以後屬豫章郡隋平陳省入建昌唐永淳二年復置屬洪州五代時改為奉新縣有華林山大雄山

望豐城縣 吳分南昌縣地置富城縣晉太康元年改曰豐城屬豫章郡雷煥得龍淵太阿於此宋齊梁陳皆屬豫章郡隋平陳省之開皇十二年復置曰豐城屬洪州唐因之

望分寧縣本艾縣地左傳吳公子慶忌驟諫吳王弗聽出居于艾是也二漢屬豫章郡晉宋齊梁陳因之隋省入建昌唐正



元十五年析武寧置分寧縣屬洪州有旌陽山昔旌陽令許遜嘗遊此有脩水

緊武寧縣今西安縣地漢建安中孫權置晉太康元年改為豫寧屬豫章郡宋齊梁陳皆因之隋省入建昌唐長安曰年復置武寧縣屬洪州景雲元年改曰豫寧寶應元年復曰武寧有幕阜山

中靖安縣五代時置有藥王山進賢縣

上虞州春秋時百越之地戰國時吳起相楚悼王南平百越於是屬楚秦屬九江郡二漢屬豫章郡吳屬廬陵郡晉太原三年置南康郡宋為南康國齊梁陳復為南康郡隋平陳郡廢置虔州大業初州廢置南康郡唐武德五年曰虔州天寶元年曰南康郡後唐長興二年升為昭信軍節度 皇朝因之今縣十

望贛縣二漢屬豫章郡吳為廬陵南部都尉治晉置南康郡宋齊梁陳皆因之隋置虔州改贛縣為南康大業初復改為贛唐因之有贛水東源出雩都曰湖漢水西源出南野曰彭水二水皆北流合于贛縣總為豫章水北流入大江後人因贛字以湖漢水為貢水彭水為章水而劉澄之遂以為章貢合流因以名縣蓋失之矣平固鎮本平固縣吳曰平陽晉太康元年更名屬南康郡宋因之後省為鎮

望虔化縣漢贛縣地吳置陽都縣晉太康元年改曰寧都後省焉宋復置大明五年以虔化屯別置虔化縣並屬南康郡後省虔化入寧都隋平陳改寧都曰虔化屬虔州唐因之上有梅嶺山漢時閩越反武帝令諸校屯豫章梅嶺待命閩越發兵入梅嶺殺漢校尉即此縣地有石鼓山

望興國縣本贛縣地 皇朝太平興國八年以險江鎮置興

國縣有獲晉止

望信豐縣本南康地唐永淳元年分置南安縣屬虔州天寶元年改為信豐

望寧都縣二漢屬豫章郡晉宋屬南康郡後省隋平陳後置屬虔州唐因之金雞山云時見金雞出於石上有盤固山

望會昌縣本寧都縣地皇朝太平興國八年以九州鎮置有君山

望瑞金縣本寧都縣地有金唐天祐元年置瑞金縣後升為縣屬虔州有銅鉢山綿江

望石城縣五代時置屬虔州上安遠縣唐正元四年析寧都縣置屬虔州

中龍南縣本漢南野縣地五代時置屬虔州有聶都山山海經曰顛水出聶都山即此

上吉州春秋時百越之地戰國屬楚秦屬九江郡二漢屬豫章郡興平元年孫策分置廬陵郡吳寶鼎二年孫皓又置安城郡

晉宋齊梁陳皆因之隋平陳二郡俱廢置吉州大業初復置廬陵郡唐武德五年曰吉州天寶元年曰廬陵郡皇朝因之今縣八

望廬陵縣二漢屬豫章郡孫策改為石陽縣分置廬陵郡晉宋

因之後復改石陽為廬陵縣隋置吉州唐因之有玉笥山望吉水縣本吉陽縣地吳置晉宋屬廬陵郡後省焉皇朝

太平興國九年置吉水縣有仁山吉水望安福縣本漢安成縣屬長沙國東漢屬長沙郡吳屬安成郡

晉改縣曰安復宋齊梁陳皆因之隋平陳郡廢改安復縣為安成十八年又曰安復屬吉州唐武德五年改縣曰安福置

潁州七年廢來屬有廬水東至廬陵入潁江

望太和縣吳置西昌東昌三縣晉宋皆屬廬陵郡後西昌省東昌入焉改為太和縣屬吉州唐因之有賴石山遂興水

望龍泉縣五代時置屬吉州有石含山

望永新縣吳置屬安成郡晉宋因之後省唐武德五年復置屬

南平州八年州廢省入太和顯慶二年復置來屬有永新山

勝業水

望永豐縣本吉水縣地 皇朝至和元年以報恩鎮置永豐

縣有雲蓋山報恩江

望萬安縣本龍泉縣地 皇朝熙寧四年以萬安鎮置有龍

頭山雲洲

上袁州春秋為百越之地戰國屬楚秦屬九江郡二漢屬豫章

郡吳屬安城郡晉宋齊梁陳因之隋平陳郡廢置袁州宋末初

州廢置宜春郡唐武德四年曰袁州天寶元年曰宜春郡

皇朝因之今縣四

望宜春縣二漢屬豫章郡泉屬安城郡晉孝武改為宜陽宋以

後因之隋復改為宜春屬宜春郡唐因之有仰山表江有宜

春泉醞酒入貢

望分宜縣本宜春縣地 皇朝雍熙元年置有鍾山郡國志

去晉永嘉元年因水有大鍾從山上墜水中驗其銘是秦時

樂器故以名山有昌山

望萍鄉縣吳置屬安城郡晉以後因之隋屬宜春郡唐因之有

羅雪山揚岐水

緊方歲縣本陽樂縣地吳黃武中置晉太康元年改為康樂屬

豫章郡宋因之謝靈運襲封康樂公即此後省焉唐武德五

年復置陽樂縣屬靖州八年州廢省入高安五代時以其地

置萬歲縣屬洪州後屬筠州 皇朝開寶八年來屬有康

樂

樂故城有謝山康樂水

上撫州春秋時百越之地戰國屬楚秦屬九江郡二漢屬豫章郡吳太平二年分置臨川郡晉以後因之隋平陳郡廢置撫州大業初州廢置臨川郡唐武德五年曰撫州天寶元年曰臨川郡 皇朝因之今縣四

望臨川縣本南昌縣地東漢永元八年置臨汝縣屬豫章郡吳孫亮分置臨川郡晉以後因之隋置撫州改臨汝縣為臨川唐因之有義峯山本曰銅山唐天寶中改名有臨川水

望崇仁縣本吳置巴丘縣屬廬陵郡置新建縣屬臨川郡晉宋因之梁改巴丘為巴山及置巴山郡隋平陳郡縣俱廢置崇仁縣屬撫州唐因之有崇仁山寶唐水

望宜黃縣唐武德五年析崇仁置屬撫州八年省 皇朝開寶八年以宜黃場復置有宜黃水

望金谿縣本臨川縣地 皇朝開寶五年以金谿場置有谿秀山金谿水

上筠州自唐以前地理與洪州同南唐李景置筠州 皇朝因之今縣三

望高安縣本建城縣二漢屬豫章郡晉以後因之縣出紫石石色黃白而疎理以水灌之則熟著鼎其上足以熟物元康中雷煥入洛賣石以示張華華曰此謂然石於是始識其名隋屬洪州唐武德五年改建城曰高安置靖州七年改為米州

又改為筠州八年州廢屬洪州南唐復置筠州有飛山鍾口江

望上高縣五代時置屬洪州南唐來屬有八疊川斜口水

望新昌縣 皇朝太平興國三年以高安監步鎮置有黃蘗山

同下州興國軍自五代以前地理與鄂州同 皇朝太平興國二年置興國軍今縣三

望永興縣本鄂縣地二漢屬江夏郡吳孫權改鄂為武昌而別置陽新縣屬武昌郡晉以後因之江左又析置永興縣隋平

陳改陽新曰富川開皇十一年省永興入焉十八年改富川縣曰永興屬鄂州唐因之 皇朝置興國軍有閩閩山吳

王闓閩與楚相持屯此 皇朝乾德五年以大冶場置屬鄂州太平興國二年來屬有磁湖

中通山縣五代時置屬鄂州 皇朝太平興國二年來屬有翠屏山本名石城唐天寶中改名

同下州南安軍自五代以前地理與虔州同 皇朝淳化元年置本縣三

中大庾縣唐神龍元年析南康縣置屬虔州 皇朝置南安軍有大庾嶺五嶺之最東者亦曰東嶠有橫浦關漢討南越

楊僕為樓船將軍出豫章下橫浦是也有涼熱水水經注云連溪出南康縣涼熱山即此水也

望南康縣本漢南野縣地吳分置南安縣晉太康元年改曰南康屬南康郡宋因之改曰贛縣隋大業初復曰南康屬南康

郡唐屬河州 皇朝淳化元年來屬南野鎮本南野縣二漢屬豫章郡晉屬廬陵郡宋屬南康郡後省為鎮有君山章

水 皇朝淳化元年來屬有猶水

同上州臨江軍自五代以前地理與筠袁吉三州同 皇朝淳化三年置今縣三

望清江縣五代時置屬洪州南唐屬筠州 皇朝置臨江軍

望新渝縣二漢屬豫章郡晉宋因之隋屬廬陵郡唐屬吉州
皇朝淳化三年來屬有玉筍山塗水

望新渝縣吳分宜春置晉宋屬安成郡隋屬宜春郡唐屬袁州
皇朝淳化三年來屬本曰新渝唐天寶後相承作喻有渝水
同下州建昌軍 以前地理與撫州同南唐析置建武軍

皇朝太平興國四年改名今縣二

望南城縣二漢屬豫章郡晉以後屬臨川郡隋唐屬撫州南唐
置軍有麻姑山

望南豐縣天置屬臨川郡晉宋因之後省唐景雲二年析南城
置屬撫州 皇朝淳化二年來屬有軍山

輿地廣記卷第五



輿地廣記卷第二十六

荆湖南路

上潭州古三苗國之地春秋戰國屬楚秦置長沙郡漢為國東漢復為郡晉屬長沙及衡陽郡永嘉元年兼置湘州宋齊梁陳因之隋平陳郡廢置潭州以昭潭為名大業初州廢置長沙郡唐武德四年曰潭州天寶元年曰長沙郡升為武安軍節度皇朝因之今縣十一

望長沙縣故青陽地秦始皇二十六年荆王獻青陽以西是也漢為臨湘縣高帝五年以封吳芮為長沙王都此其城即芮所築東漢及晉為郡宋為國齊梁陳為郡隋為潭州唐因之唐末馬氏父子竊據其地後為南唐所取有嶽麓山昭山山下有旋泉深不可測人以為昭潭無底有湘水瀉水有賈誼宅井仍存

望衡山縣本湘南縣地吳析置衡陽縣及置衡陽郡晉惠帝改縣曰衡山宋齊梁陳因之隋平陳郡廢屬潭州唐神龍三年屬衡州 皇朝淳化四年來屬禹貢衡山在西南有三峯曰祝融紫蓋石廩韓愈詩紫蓋連延接天柱石廩騰攔堆祝融有湘水

望安化縣本益陽縣地 皇朝熙寧六年置有浮青山資水取茶醴陵縣本漢臨湘縣地高石封長沙相越為醴陵侯即此東漢置醴陵縣屬長沙郡建安八年縣有大山常鳴如牛响聲積數年後豫章賊攻沒縣亭晉宋皆屬長沙郡後省唐武德四年復置屬潭州有王喬山醴泉

上攸縣漢屬長沙國東漢晉宋屬長沙郡後改為攸水隋平陳省入湘潭縣後復置唐武德四年置南雲州正觀元年州廢屬衡州五代時來屬有雲陽山攸水



中湘鄉縣本湘南縣之湘鄉東漢置縣屬零陵郡晉宋屬衡陽郡後省唐武德四年析衡山置屬潭州有漣水歷石魚山下石色黑而理若雲母開發一重輒有魚形長數寸鱗鱗首尾若刻畫燒之作魚膏腥

中湘潭縣本湘南縣地禹貢衡山在東南湘中記曰衡山有五牒禹案其文以治水遥望衡山如陣雲沘湘千里九向九背迺不復見漢屬長沙國東漢屬長沙郡晉宋屬衡陽郡後省而置湘潭縣隋屬衡州唐元和後來屬有湘水泊湖

中益陽縣漢屬長沙國東漢晉宋齊梁陳屬長沙郡隋唐屬潭州有浮丘山益水水經注以益水為資水之殊目縣南十里有平岡岡有井數百淺者四五尺深者不測俗六昔有金人以杖撞地輒便成井

中瀏陽縣本漢臨湘地吳置瀏陽縣屬長沙郡晉宋因之後省唐景龍二年析長沙復置屬潭州有瀏水

中湘陰縣本羅縣地宋元徽二年分置湘陰縣屬湘東郡齊因之梁置羅州及岳陽郡陳廢州隋平陳郡廢省湘陰入岳陽縣置王州尋改岳陽為湘陰縣開皇十一年州廢屬岳州唐因之

皇朝淳化四年來屬故羅縣羅國本在襄州宜城之西楚文王徙羅子居此秦為羅縣屬長沙郡二漢晉宋齊因之梁陳屬岳陽郡隋平陳屬岳州唐武德八年省入湘陰故城在今縣東北有湘山湘水汨水出艾縣相山西逕羅縣北又西逕吳昌縣北東漢置曰漢昌吳更名隋省又羅又西

逕玉筍山又西為岳潭楚屈原被讒放逐懷沙自沉於此又逕汨羅水南又西入于湘春秋所謂羅汨也有黃陵水上承大湖西流入湘逕二妃廟南世謂之黃陵廟秦始皇遊至相山逢大風問博士曰湘君何神博士對曰堯女舜妻而葬此

始皇大怒使刑徒三千人伐湖山木赭其山焉

中宜鄉縣吳新陽縣地晉太康元年改為新康屬衡陽郡宋以後因之隋平陳省入益陽縣唐武德四年復置七年又省

皇朝太平興國二年析長沙置有大瀉山青陽山瀉水

上衡州春秋 國屬楚秦屬長沙郡二漢屬長沙桂陽二郡吳

置湘東衡陽二郡晉宋齊梁陳皆因之隋平陳省二郡置衡州大業初州廢置衡山郡唐武德四年曰衡州天寶元年曰衡陽

郡 皇朝因之今縣五

望衡陽縣本鄰縣地漢屬長沙國東漢屬長沙郡吳置湘東郡

及臨丞縣東南去鄰縣十五里晉因之太元二十年省鄰入焉宋齊梁陳因之隋平陳置衡州改臨丞為衡陽縣唐因之

亦漢鍾武縣地屬零陵郡東漢改為重安晉不以後屬衡陽郡隋省入衡陽縣後復置唐武德七年又省入有岫巒山即

南岳之別名有湘水丞水有合江亭韓愈詩江亭枕湘江蒸

水會其左有鄰湖周回三里取水為酒極醇美晉武帝平吳始薦鄰酒於太廟

中茶陵縣漢屬長沙國東漢屬長沙郡晉屬湘東郡宋齊梁陳因之隋省入湘潭縣唐武德四年析攸縣復置屬南雲州正

觀元年又省聖曆元年復置來屬有雲陽山茶水漢地理志茶陵有沘水西入湘水經謂之沘水即今茶水是也茶六奢

反

中耒陽縣二漢屬桂陽郡晉宋以後因之隋平陳改曰涿陰屬

衡州唐武德四年復曰耒陽有侯曇山涑水出郴縣西北過涑陽又北至衡陽入湘

中下常寧縣吳分涑陽置新寧縣晉屬湘東郡宋齊梁陳皆因之隋屬衡州唐天寶元年改曰常寧有逍遙山湘水宜水

下安仁縣 皇朝乾德三年以安仁場置後析衡陽衡山二縣地入焉

中道州春秋戰國屬楚秦屬長沙郡漢分屬零陵郡東漢晉因之穆帝分置營陽郡宋齊因之梁改為永陽郡隋平陳郡廢屬永州大業初州廢屬零陵郡唐武德四年平蕭銑置營州五年改為南營州正觀八年改為道州天寶元年曰江華郡皇朝因之今縣四

緊營道縣本漢營浦縣屬零陵郡晉置營陽郡宋齊因之而析置營陽縣為郡治梁改郡縣皆曰永陽隋開皇中郡廢省營浦入永陽屬永州唐武德四年置營州改永陽為營道縣正觀八年改營州為道州天寶元年改營道為弘道縣

皇朝建隆三年復曰營道有營道山營水出冷道縣西流逕九疑山下又西逕營道又屈而東北逕營浦又北流注于湘亦虞時庫國之地有象祠唐元和中刺史薛伯高毀之柳宗元作斥庫亭神記

緊永明縣本漢營浦縣地唐既徙置營道於永陽乃徙置永陽於此屬道州正觀八年省天授二年復置天寶元年更名皇朝熙寧五年省為鎮入營道元祐二年復置

緊江華縣漢馮乘縣地屬蒼梧郡唐武德四年析置江華縣屬道州正觀十七年屬永州上元二年復來屬文明元年改曰雲漢神龍元年復故有吳望山池水

緊寧遠縣漢冷道營道二縣地並屬零陵郡東漢及晉皆因之東晉屬營陽郡宋齊因之梁陳屬永陽郡隋省冷道入營道而徙營道於冷道廢城屬永州唐武德四年徙置營道於永陽縣乃於此地置唐興縣屬營州正觀八年屬道州長壽二年改曰武盛神龍元年復曰唐興元寶元年改曰延唐宋梁

改曰延昌後唐復故晉天福初曰延喜

皇朝乾德三年

改為寧遠有九疑山虞舜所葬其山九谿相似故名有冷水出此山北流逕冷道西南又北流入都溪水故大曆縣本漢冷道之春陵鄉長沙定王封其子置是為春陵節侯後省吳復置屬零陵郡東晉屬營陽郡宋齊因之梁陳屬永陽郡隋平陳省入營道唐大曆二年析延唐縣置於春陵故城北十五里名曰大曆屬道州 皇朝乾德三年省入寧遠有春溪水即所謂都溪也西北流入于營水

中永州春秋戰國屬楚秦屬長沙郡漢元鼎六年置零陵郡東漢吳晉宋齊梁陳因之隋開皇初郡廢置永州大業初州廢復置零陵郡唐武德四年平蕭銑置永州天寶元年曰零陵郡皇朝因之今縣三

望零陵縣本漢泉陵縣屬零陵郡東漢為郡治晉宋齊梁陳因之隋置永州改泉陵為零陵縣唐因之泉陵故城在今縣北

二里亦晉應陽縣地惠帝分觀陽置屬零陵郡宋齊梁陳因之隋省入零陵縣雁水東南流入湘有臯墟象之所封也有萬石山瀟湘水縣有香茅自古貢之禹貢荊州等茅也

中祁陽縣吳分泉陵置屬零陵郡晉宋齊梁陳因之隋省入零陵縣唐武德四年復置屬永州亦吳永昌縣地晉宋齊梁陳屬零陵郡隋省入零陵縣後分入祁陽有石鷲山石色紺而狀似鷲或大或小若母子及雷風相薄則群飛頡頏有湘水

中東安縣 皇朝雍熙元年以零陵縣之東安場置

中郴州春秋戰國屬楚秦屬長沙郡項羽尊楚懷王為義帝都

湘漢高帝二年置桂陽郡東漢晉宋齊梁陳因之隋開皇中平

陳郡廢置郴州大業初州廢復置桂陽郡唐武德四年平蕭銑置郴州天寶元年曰桂陽郡 皇朝因之今縣四

桂陽縣義帝所都項羽使其布善之縣南有義帝家漢屬桂陽郡東漢以後因之隋置郴州唐因之有靈壽山古所謂萬歲山也有石室室有鍾乳上悉生靈壽木下有千秋溪又有涿水出縣東侯公山西其流而南屈注于耒謂之程鄉溪昔置酒官醞於山下名曰程酒獻同鄰酒焉

中桂陽縣漢郴縣地東晉分置汝城縣屬桂陽郡宋齊梁因之陳改為盧陽縣及置盧陽郡隋平陳郡廢以縣屬郴州唐天寶元年改為義昌後唐改曰柳義 皇朝太平興國元年改為桂陽有耒山耒水所出西北流運汝城縣北又西北運晉寧縣北又北過郴縣西又北過便縣西又西北過耒陽縣東又北過臨武縣東又西北至臨武而右注湘水

中宜章縣隋大業末蕭銑析郴置義章縣屬郴州唐因之皇朝太平興國元年改曰宜章亦一漢臨武縣地屬桂陽郡晉宋齊梁陳因之隋屬郴州後廢有武溪南入樂昌有嵐嶺

中永興縣漢便縣屬桂陽郡東漢吳晉因之宋省焉唐開元十三年置安陵縣屬郴州天寶元年改為高亭 皇朝熙寧六年改為永興有向亭山安陵山

中郴州春秋戰國屬楚秦屬長沙郡一漢屬長沙零陵二郡吳寶鼎元年分置邵陽郡晉宋齊梁陳因之隋平陳郡廢屬湘州唐武德四年平蕭銑置南梁州正觀十年改為邵州天寶元年曰邵陽郡 皇朝因之今縣三

望邵陽縣漢曰昭陵屬長沙郡吳置邵陵郡晉改縣曰邵陵宋因之後省入邵陽邵陽本昭陽東漢置屬零陵郡晉武帝改焉屬邵陵郡宋因之後併邵陵入而以邵陽為郡治隋郡廢屬湘州唐武德四年復置邵陵縣七年省入邵陽後置邵州

又吳置高平縣屬邵陵郡晉宋因之後省入邵陽有文斤水

邵陵水

望新化縣

皇朝收復梅山以其地置新化縣屬邵州有長

龍山溪水

下蔣竹縣 皇朝元豐四年以洞溪徽州置蔣竹縣屬邵州

有九龍山蔣竹水

下全州自後唐以前地理與永州同石晉天福三年楚王馬希

範奏置全州 皇朝因之今縣二

望清湘縣漢零陵洮陽二縣地並屬零陵郡東漢晉宋齊梁陳

皆因之隋省而置湘源縣屬永州唐因之後改為湘川楚又

改為清湘而置全州有湘山宜湘水漢洮陽故城在今縣西

北零陵故城在南

中灌陽縣漢零陵縣地吳分置觀陽屬零陵郡晉宋齊梁陳皆

因之隋省入湘源縣大業末蕭詧復置屬永州唐武德七年

省上元二年復置石晉時來屬蜀有灌水

同下州武岡軍自五代以前地理與邵州同

皇朝因之

中武岡縣二漢都梁縣地屬零陵郡晉武帝分置武岡縣屬邵

陵郡宋因之後省入都梁縣隋又省都梁入邵陽縣後復置

曰武攸唐武德四年改為武岡屬南梁州後屬邵州

皇朝置武岡軍縣左右二岡對峙重岨齊秀間可二里舊傳

東漢伐五溪蠻蠻保此崗故曰武岡亦二漢未夷縣地屬零

陵郡吳屬邵陵郡晉宋齊梁陳皆因之隋省入邵陽唐分屬

武岡故城在縣東北晉武帝置建興縣屬邵陽郡晉宋因之

後省焉唐武德四年復置七年省入武岡有唐糾山溪水所

出

同下州桂陽監自五代以前地理與郴州同後置桂陽監

自縣因之今縣二

上平陽縣按舊唐志云晉分柳置平陽縣陳廢蕭魏復置唐武德七年省八年復置屬柳州然晉宋二志比自無此縣五代時廢焉 皇朝大禧元年復置桂陽監治此有大夫山靈呈江

中藍山縣本二漢南平縣屬桂陽郡晉宋因之後省唐咸亨二年復置屬柳州天寶元年改為藍山 皇朝景德元年來屬有藍山

輿地廣記卷第二十六

嘉泰甲子郡守譙 今憲重修
嘉定庚辰郡守陸 子虞重修
淳祐庚戌郡守朱 申重修



荆湖北路上



次府江陵府春秋已來為楚都秦昭襄王二十九年置南郡漢高帝元年改為臨江郡五年復故景帝二年為臨江國中二年復故東漢晉宋齊梁陳因之梁元帝都焉為西魏所滅以封後梁為蕃國隋開皇七年併後梁置江陵總管府二十年改為荆州大業初復置南郡唐武德四年平蕭詧置荆州天寶元年曰江陵郡後升荆南節度上元元年置南都及江陵府尋罷都五代為南平王高氏所據

皇朝復之今縣入

次赤江陵縣故楚郢都地戰國時秦白起拔郢分置江陵縣及置南郡而楚徙都陳項羽封楚柱國共敖為臨江王漢得之以為郡景帝復封十榮為臨江王國除復為南郡東漢省郢入江陵建安中劉備有之後入於吳晉徙荆州治此東晉為重鎮宋齊因之梁元帝以為都西魏使于謹平江陵以封後梁蕭詧置荆州大業末為蕭詧據唐置江陵郡江陵府縣北十里有紀南城楚之三王自丹陽徙此後遷於鄧平王時子囊城之故城在縣東南有諸宮今郡城首祖溫所築有龍山漢江

次畿公安縣本漢房陵縣地建文中左將軍劉備為荆州牧自襄陽來鎮油口使築而居之時號左公因名其地曰公安晉杜預平江南置江安縣屬南平郡宋為郡治後改為公安陳置荆州屬江陵總管唐因之屋陵鎮故房陵縣二漢屬武陵郡晉宋齊梁陳屬南平郡隋省入公安有謝山油水次畿潯江縣漢江陵縣地 皇朝乾德三年置有漢江次畿監利縣本漢華容縣地吳置監利縣尋以自晉太康四年復置屬南郡宋孝建元在屬巴陵郡隋屬沔陽郡唐屬復州宋

梁開平三年來屬有五花山

次畿松滋縣本漢高城縣地屬南郡東漢省而漢松滋縣屬

江郡晉屬安豐郡晉以松滋流民避亂至此乃僑置縣以治

之屬南郡宋屬南河東郡齊梁陳皆因之隋開皇中郡廢屬

荊州唐因之縣西有上明廢城東晉荊州刺史桓冲以符秦

疆盛自襄陽退屯於此其城即冲所築

次畿枝江縣故羅國楚自宜城西山徙之於此後又徙之湘陰

二漢為枝江縣屬南郡晉宋齊梁陳因之隋屬荊州唐屬江

陵府上元元年省入長寧縣大曆六年復置省長寧入焉

皇朝熙寧六年省入松滋縣後復置縣西有津鄉春秋巴人

伐楚楚子禦之大敗於津鄉此其地也

次畿石首縣本二漢華容縣屬南郡晉宋因之後省唐武德四

年置石首縣屬荊州以石首山為名

次畿建寧縣 皇朝乾德三年置熙寧六年省入石首元祐

元年復置

次系鄂州春秋以來屬楚秦屬南郡漢屬江夏郡東漢因之吳分

置武昌郡晉宋屬江夏武昌二郡兼置鄂州齊因之梁分置北

新州及上雋郡隋平陳三郡俱廢改置鄂州大業初復置江夏

郡唐武德四年平蕭銑復為鄂州天寶元年復為江夏郡後升

武昌軍節度

皇朝因之今縣七

緊江夏縣本二漢沙羨縣地屬江夏郡建安中荊州牧劉表使

黃祖守沙羨為孫權所破吳省之晉太康元年復置後屬武

昌郡東晉僑置汝南郡此為汝南縣隋平陳置鄂州改縣曰

江夏唐因之按水經夏水本江之別出自江陵縣東南流又

東過華容縣南又東至雲杜縣入沔謂之賄口冬竭而夏流

故曰夏水自賄口下沔水通兼夏口而南至魯山下會于江

在今縣西故得江夏之名春秋時謂之夏汭後世謂之夏口亦謂之魚口歷代常為重鎮梁武帝自襄陽起兵進逼郢城有數百毛人踰堞且泣因投黃鵠磯蓋城之精也明旦城降有黃鶴山鸚鵡洲

望崇陽縣唐天寶二年開山洞置唐年縣屬鄂州朱泚改為臨江夏後唐復故名石晉天福初改為臨江 皇朝開寶八年改為崇陽

上武昌縣故楚之東鄂也楚子熊渠封中子紅為鄂三子為縣屬江夏郡吳孫權都之黃初三年改為武昌縣及晉江夏郡黃龍元年遷都建業以陸遜輔太子鎮武昌孫皓亦嘗都此及東還使滕牧守之晉太康元年改江夏郡曰武昌郡永平中始置江州傅綜為刺史治此東晉時庾亮謝尚亦鎮焉宋齊梁陳皆為武昌郡隋屬鄂州唐因之故西陵縣一漢屬

鄂屬大陽郡晉惠帝分屬西陽國宋因之陳省入武昌有樊山岬嶺洲晉劉毅破桓玄於此

中滿圻縣晉太康元年置屬長沙郡宋元嘉十六年屬巴陵郡孝建元年屬江夏郡梁置上雋郡隋平陳郡廢屬鄂州唐因之有赤壁山漢末孫權遣周瑜與劉備併力敗曹公于此有蒲圻湖

中咸寧縣五代時置永安縣屬鄂州 皇朝景德四年改今名有蓮臺山牛臯潭

通城縣本崇陽縣地 皇朝熙寧五年升通城鎮為縣有九嶺山鷄鳴山太平港

下嘉魚縣晉沙陽縣地屬武昌郡宋元嘉十六年屬巴陽郡孝建元年屬江夏郡梁置沙州尋廢隋省沙陽入蒲圻五代時置嘉魚縣屬鄂州有魚嶽山在大江中

中安州春秋戰國屬楚秦屬南郡漢高帝置江夏郡東漢置
之宋孝建元年分置安陸郡齊因之梁置南司州尋罷西魏置
安州總管府隋開皇初郡廢十四年府廢大業初復置安陸郡
唐武德四年平王世充改為安州天寶元年復曰安陸郡後唐
外安遠軍節度 皇朝因之今縣五

中安陸縣漢屬江夏郡晉為郡治宋置安陸郡梁置南司州西
魏置安州隋唐因之漢江夏郡故城在東南有禹漢陪尾山
石巖山晉張昌作亂山下鎮南將軍劉弘擊斬之有浪水東
南入沔有雲夢澤然楚之雲夢跨江南北非止此而已

中雲夢縣西魏置隋屬安州唐因之 皇朝熙寧二年省入
安陸元祐元年復置按漢地理志西陵縣為江夏郡治而有
雲夢官疑此地是也

中應城縣漢雲杜縣也西魏置隋大業初改曰應陽屬安陸郡
唐武德四年復曰應城屬安州元和三年省入雲夢大和二
年復置天祐二年改曰應陽後唐復故有汝河水出六洪山
東流入于滄有溫泉水出京山東澤中淵靜如鑑聞人聲則
湯湯奮發其熱可以燂鷄東南流汪于滄有蒲騷城左傳鄭
人軍於蒲騷是也

中孝感縣本孝昌縣宋孝武帝置屬江夏郡西魏置岳州及岳
山郡後周並廢又有潯岳郡隋開皇初廢以縣屬安州唐武
德四年置潯州及潯陽縣八年州廢省潯陽入孝遠來屬元
和三年省入雲夢咸通中復置後唐改為孝感有潯河鎮九
宗山

中下應山縣本東漢平春縣地屬江夏郡晉因之宋屬義陽郡
後省梁置永陽縣及應州隋大業初州廢改永陽為應山屬
安陸郡唐屬安州有大龜山石龍山潯水按水經潯水出江

夏平春縣而南過安陸入于滇

上復州春秋戰國屬楚秦屬南郡一漢屬南江夏二郡晉元康元年分置竟陵郡宋齊因之梁又置沔陽郡後周置復州隋因之而郡廢大業初州廢復置沔陽郡唐武德五年改為復州天寶元年又曰竟陵郡石晉天福初改曰景陵郡 皇朝因之 熙寧六年州廢後復置今縣三

取竟陵縣楚封大夫閻辛於此是為鄭公戰國秦使白起攻楚拔郢東至竟陵二漢屬江夏郡晉置竟陵郡後省入霄城後周復改霄城為竟陵隋開皇初州自建興移治此仁壽三年州仍治建興正觀七年徙治沔陽五代時又徙治此

皇朝熙寧六年州廢屬安州後復置來屬有巾水成山晉元熙三年竟陵郡言巾水成山得古銅鐘七枚藏於相府有漢水夏水

下沔陽縣春秋鄭子之國漢雲杜縣地屬江夏郡東漢晉因之宋屬竟陵郡後省梁置沔陽郡西魏省州陵惠懷二縣置縣曰建興後周置復州隋開皇初州移治竟陵仁壽三年州仍治建興大業初改建興曰沔陽州廢仍置沔陽郡唐武德中屬復州正觀七年州徙治此五代時又徙治景陵 皇朝熙寧七年省入監利後復置來屬雲杜城在縣西北又有石城在西南西臨沔水因山為固晉杜預為荊州刺史開陽口達巴陵徑千餘里內避長江之險通寒桂之漕即此惠帝始置竟陵郡治此

下玉沙縣 皇朝乾德三年以白沙院置屬江陵府至道三年來屬熙寧六年省入監利元祐元年復置按唐地理志郢州富水有白沙山白沙水所出而水經言江水過下雋東得白沙口謂白沙水入江處也然則白沙院之取名蓋以水所

經矣

上鼎州春秋戰國皆屬楚秦屬黔中郡漢屬武陵郡東漢晉天
齊皆因之梁置武州後改曰沅州隋平陳郡廢改州曰朗州大
業初州廢復置武陵郡唐武德四年平蕭銑置朗州天寶元年
復曰武陵郡 皇朝因之六中祥符五年改曰鼎州今縣三

望武陵縣本漢臨沅縣屬武陵郡東漢為郡治晉宋齊梁陳皆
因之晉趙欽問潘京曰貴州何以名武陵京云鄙郡本名義
陵郡在辰陽縣界與夷相接數為攻敗光武移東出共議易
名傳曰止戈為武詩稱高平曰陵隋廢郡置朗州改臨沅為
武陵縣唐因之 皇朝改曰鼎州故漢壽縣本名索漢為

武陵郡治東漢陽嘉三年更名為荆州刺史治而郡徙治臨
沅至魏州徙治江陵吳改漢壽為天壽晉復故宋齊梁陳皆
因之隋省入武陵有武陵山柱山上有善卷壇有沅水鼎水

柱渚

望桃源縣東漢沅南縣地建武二十六年置屬武陵郡晉末齊
梁陳皆因之隋省入武陵 皇朝乾德元年析武陵置桃

源縣有桃源山晉陶潛桃源記云太元末有漁人深入武陵
溪見桃花夾岸居人衣服皆素製自言避秦隱居數世矣不

知市朝之變漁人既出欲再尋之路迷終不能至有沅水

中龍陽縣吳置晉宋齊梁陳皆屬武陵郡隋唐屬朗州有龍陽
山黍米有龍陽洲吳李衡植柑於其上臨死謂其子曰吾洲

有木奴千頭不責衣食歲絹千疋後相成果如其言

上澧州春秋戰國皆屬楚秦屬黔中郡二漢屬武陵郡吳孫休

永安六年分置天門郡晉末以後因之隋平陳郡廢置松州尋
改為澧州大業初置澧陽郡唐武德四年平蕭銑置澧州天寶

元年曰澧陽郡

皇朝因之今縣四

漢澧陽縣至太康四年置屬天門郡宋因之後省焉隋復置及
置澧州大業初置澧陽郡唐為澧州有大浮山崇山晉舜放
驩於此有澧水水出東南流入澧

中下安鄉縣東澧水縣地後置安鄉縣隋屬澧州唐因之作

唐縣東漢分尋陽一曰武陵郡晉置南平郡宋齊梁陳皆因

之隋開皇中郡廢作唐為尋陽屬澧州唐正觀元年省入

安鄉亦漢尋陽縣也澧水澧水接水經注澧水東逕安鄉縣

南澧水注之也澧水出澧縣北又東注澧

謂之澧口楚王仲宣辭別澧水曰澧水也

中下澧水出澧縣北澧水出澧縣北澧水出澧縣北

數十里其水出澧縣北澧水出澧縣北澧水出澧縣北

門澧水出澧縣北澧水出澧縣北澧水出澧縣北

澧水出澧縣北澧水出澧縣北澧水出澧縣北

下澧水出澧縣北澧水出澧縣北澧水出澧縣北

中澧水出澧縣北澧水出澧縣北澧水出澧縣北

晉宋齊梁陳皆因澧水出澧縣北澧水出澧縣北

縣十八年改曰澧州澧水出澧縣北澧水出澧縣北

德元三年省入澧州澧水出澧縣北澧水出澧縣北

中澧水出澧縣北澧水出澧縣北澧水出澧縣北

郡澧水出澧縣北澧水出澧縣北澧水出澧縣北

州後唐改曰破州隋開皇七年郡廢大業初州廢置夷陵郡

唐武德二年復為破州天寶元年曰夷陵郡

皇朝因之今

縣四

中夷陵縣夷山在西北縣以為名秦令白起伐楚三戰而燒夷

陵所以二漢屬南郡建安十五年劉備以屬宜都郡

大業初

元年改曰西陵以為重鎮郡城陸抗所築也晉太康元年復
故名宋齊梁陳皆因之隋置夷陵郡唐置硤州巴山寨本巴
山縣隋分長陽置屬清江郡後省唐武德四年後置屬睦州
八年屬東松州正觀元年屬硤州天寶八載省入長陽五代
時復置 皇朝開寶八年省入夷陵有西陵山虎牙山石
壁色紅間有白文類牙形焉有黃牛硤南岸高崖間有色如
人牽牛狀人黑牛黃此巖既高加以江湍紆迴行者謠曰朝
發黃牛暮宿黃牛三朝三暮黃牛如故

中宜郡縣二漢夷道縣地屬南郡劉備置宜都郡晉宋齊梁皆
因之又析夷道置宜昌縣隋開皇七年郡廢宜昌屬江陵府
大業初夷道屬夷陵郡唐武德四年改宜昌為宜都以宜都
及夷道置江州六年曰東松州正觀元年州廢省夷道入宜
都來屬有荆門山上合下開通徹山南有門象焉大江東歷

荆門虎牙二山之間荆門在南虎牙在北為楚之西塞故郭
璞江賦曰虎牙築起以屹萃荆門巖竦而盤薄圓淵九回以
高騰溢流雷响而電激也東漢建武中岑彭擊荆門破公孫
述將任滿田戎於此有勾將山夷水自施州東北流至縣此
注大江即清江水也

中下長陽縣本狼山漢屬武陵郡東漢屬南郡晉屬宜都郡太
康元年改為興山後復故宋因之後改為長陽隋屬江陵府
唐武德四年置睦州八年州廢屬東松州正觀元年州廢來
屬故鹽水縣後周置及立亭州資曰郡隋開皇初郡廢大業
初改州為庸州又廢為清江郡後郡徙而縣省唐武德四年
復置屬睦州八年省入長陽昔巴蠻廩君乘土航從夷水下
至鹽陽射殺神女又下及夷城而居之蓋此地也有狼山出
藥草狼山此以銀為音有長陽溪出射堂村東六七里合中

有古穴清源噴流三十許其復入穴其水直源頭發其流

水

中法崇文公孫本東晉沮陽縣也善射置高安縣及文陽縣
後周改縣曰凌文隋開皇七年其縣置岐州唐因之有凌
東南流河當其枝江縣入于江四沮口

輿地廣記卷第二十七



輿地廣記卷第二十八

荆湖北路下

下岳州古三苗國地春秋戰國屬楚秦屬長沙郡二漢因之晉元康元年置建昌郡成康元年省宋元嘉十六年置巴陵郡齊梁陳皆因之梁兼置巴州隋平陳郡廢改州為岳州大業初改曰羅州復置巴陵郡唐武德四年平蕭銑置巴州六年改為岳州天寶元年曰巴陵郡 皇朝因之今縣五

上巴陵縣二漢下雋縣地吳為巴丘郡閩晉太康元年置巴陵縣屬長沙郡宋置巴陵郡梁置巴州隋改為岳州唐因之吳使魯蕭方或東晉使陶侃守巴陵以為重鎮有大江洞庭湖有資水沅水澧水湘水同注洞庭北會大江名之五渚戰國策云秦與荆戰大破之取洞庭五渚謂此也湖水圍廣五百餘里日月若出沒於其上有君山扁山君山即湘山也以

湘君之所遊處因曰君山有石穴與太湖之苞山潛通故太湖亦有洞庭山君山東北對扁山兩山相次去數千里回峙相望孤影若浮有青芷湖

望華容縣漢壽陵縣地晉武帝時置安南縣屬安平郡宋因之隋開皇十八年改曰華容屬岳州唐因之垂拱二年更名容城神龍元年復故有方臺山赤亭湖近湖有赤亭城梁元帝使胡僧祐陸法和等據赤亭擊破侯景軍擒其將任約即此

上平江縣本漢昌縣地東漢置吳曰吳昌晉宋因之屬長沙郡隋平陳省入羅唐省羅入湘陰神龍三年分湘陰置昌江縣屬岳州後唐改曰平江有汨水西至湘陰入湘有蘆水

臨湘縣本巴陵縣之王朝場 皇朝淳化四年外為王朝縣至道二年改為臨湘有陵城山大江 中沅江縣漢益陽縣地梁置樂山郡及樂山縣隋平陳郡廢改



縣曰安樂屬岳州十八年改曰沅江唐因之乾寧中改曰橋
江五代時屬朗州 皇朝乾德元年復曰沅江來屬有橋
山沅水

下歸州春秋為夔子國楚人滅之及戰國皆屬楚秦屬南郡二
漢因之吳永安三年置建平郡晉亦為建平郡宋因之後周置
神歸郡隋開皇初郡廢屬信州大業初屬巴東郡唐武德二年
分夔州置歸州天寶九年曰巴東郡 皇朝因之今縣三

下神歸縣故夔子國其先熊摯本楚之嫡嗣以疾不立而封於
夔春秋時夔子不祀祝融與鬻熊曰我先君有疾鬼神弗救
而自竄於夔我是以失楚又何祀焉楚人滅之二漢為秭歸
縣屬南郡晉宋屬建平郡其地險固孫皓末晉將王濬曰蜀
必江伐吳吳守將吾彥表謂皓曰增建平兵若建平不下晉
師終不敢過皓不從即秭歸縣界後周置秭歸郡隋郡廢屬

信州唐置歸州縣東南有丹陽城周成王封楚子熊繹始居
於此後徙都枝江亦曰丹陽縣北百餘里有楚大夫屈原故
宅名曰樂平里原既被流放忽然暫歸有賢姊曰女須亦婦
喻令自寬離騷所謂女須之嬋媛兮申申其罵子也袁山松
以為秭歸之名始於此而酈道元引樂緯六昔歸典聲律宋
忠注去歸即夔也則知古人通音同字不必因屈原也有空
飛峽大江

下巴東縣漢巫陽縣地未有歸鄉縣屬建平郡初在秭歸之東
後徙置於此梁置信陵郡後周郡廢改歸鄉曰樂鄉隋開皇
末又改曰巴東屬信州唐武德二年來屬有石門山在大江
北岸洞達東西劉備為陸遜所破走還北門追者甚急踰山
越險僅乃得免遂發憤而薨

下興山縣吳置屬建平郡晉因之宋省焉唐武德三年析秭歸

復置屬歸州 皇朝熙寧五年省入秭歸後復置有京慶

子城有昭君村漢宮女王嬪此鄉人也

下辰州古蠻夷地春秋戰國屬楚秦昭襄王三十年取楚巫黔及江南地置黔中郡漢高帝二年改為義陵郡在辰陽縣界與蠻夷相接數為所攻破光武時郡治東徙臨沅遂改為武陵郡而以此地屬焉晉宋齊因之後置沅陵郡隋平陳郡廢置辰州大業初州廢復沅陵郡唐武德四年平蕭銑置辰州天寶元年曰盧溪郡 皇朝因之今縣四

中沅陵縣二漢晉宋齊皆屬武陵郡後置沅陵郡隋置辰州唐因之縣東有壺頭山高一百里圓廣三百里東漢馮援征蠻從壺頭進軍遇瘴沒於此有小西山沅水西溪其水東南注于沅渭之西口

中下淑浦縣本漢義陵縣屬武陵郡東漢省之唐武德五年分辰溪置淑浦縣屬辰州有淑溪其水出鄢梁山西北注于沅楚詞所謂入淑浦余遭迴兮迷不知吾之所如即此水也最為沃壤特宜秌焉其城則劉備所築

下辰溪縣二漢辰陽縣屬武陵郡晉省之宋復置屬武陵隋平陳改曰辰溪屬沅州大業初州廢屬沅陵郡唐屬辰州有五城山辰溪縣治舊在辰水之北楚詞所謂入宿辰陽是也

下盧溪縣本沅陵縣地唐武德五年析置盧溪縣屬辰州有武山武溪所出東南流注于沅水源石上有磐石瓠跡猶存瓠者高辛氏之狗啣犬戎吳將軍頭致於闕下帝妻以少女瓠瓠負女入南山上石室中生六男六女自相夫妻後遂滋蔓今五溪蠻夷即其種也

下沅州古蠻夷地春秋戰國皆屬楚秦屬黔中郡二漢晉宋屬武陵郡梁陳屬沅陵郡隋屬辰州唐正觀八年以辰州之龍標

縣置巫州天授二年曰沅州開元十三年以沅原聲相近復曰
巫州天寶二年曰潭陽郡大曆五年改為叙州唐裴茂于溪洞
皇朝熙寧七年收復置沅州兼得錦獎二州之地今縣三

下盧陽縣本漢無陽縣地屬武陵郡東漢省之晉宋為舞陽後
省梁置龍標縣屬沅陵郡隋屬辰州唐折龍標置潭陽縣屬
叙州 皇朝熙寧七年以其地置盧陽縣為沅州治焉鎮

江鋪本龍標縣地唐置叙州熙寧五年以其地置寨元豐三
年廢為鋪龍門鋪本龍門縣地唐垂拱四年折麻陽置屬辰
州尋省熙寧七年以其地置鋪贊州鋪唐贊州地也

下麻陽縣唐武德三年分沅陵辰溪置屬辰州熙寧七年來屬
唐折麻陽後置屬辰州熙寧七年來屬八年省入麻陽故錦
州寨唐錦州地也有辰山辰溪

下黔陽縣本鐘城縣地二漢及晉屬武陵郡宋省焉唐貞觀八
年置助溪縣屬叙州後置黔江城 皇朝元豐三年升為
黔陽縣有紫雲山七寶山沅水舞水

下靖州古蠻夷地唐為溪洞誠州 皇朝熙寧九年收復仍
置元祐二年廢為渠陽軍三年廢為寨屬沅州紹聖中復置誠
州崇寧二年改為靖州今縣三

下永平縣本沅州貫保寨地 皇朝元豐六年置渠陽縣為
誠州治崇寧二年改為永平有勝山渠河
會同縣本三江崇寧二年改名

通道縣本四維蒙崇寧二年改名
同下州漢陽軍春秋屬鄧後及戰國屬楚秦屬南郡江漢屬二
真郡晉宋齊因之梁屬沅陽郡後周屬復州隋屬沅州唐屬

沅陽郡唐武德四年平朱粲置沅州建中二年州廢四年復置

寶曆二年州又廢屬鄂州周置漢陽軍 皇朝因之熙寧四

年軍廢屬鄂州元祐元年復置今縣二

望漢陽縣本安陸縣地二漢及晉屬江夏郡東晉置沌陽縣宋

因之後省隋開皇十七年置漢津縣屬復州太業初改曰漢

陽唐屬沔州州廢屬鄂州周置漢陽軍 皇朝因之有魯

山大江漢水沌水澠水漢入江處謂之沔口漢末魏及吳人

皆以為重鎮禹貢漢水至于大別南入于江今縣蓋古大別

之地也

下漢川縣本安陸縣地梁置梁安郡西魏改曰魏安郡尋改曰

漢川郡隋開皇初郡廢唐武德四年析漢陽置漢川縣屬沔

州州廢屬鄂州周屬安州 皇朝太平興國二年改曰漢

川屬漢陽軍亦周隋甑山縣地 皇朝開寶五

年置荆門軍熙寧六年廢元祐元年復置今縣二

中長林縣本編縣地二漢晉宋皆屬南郡後廢焉而置長林長

寧二縣隋開皇十一年省長林入長寧十八年改長寧曰長

林屬江陵府唐武德四年於縣東北置基州及章山縣七年

州廢以章山隸郢州郢州廢來屬八年省入長林正元二十

一年析置荆門縣後省 皇朝置荆門軍軍廢屬江陵府

後復置皆為軍治有章山禹貢所謂內方也有漢水漳水漕

水

下當陽縣二漢晉宋齊梁屬南郡後周置平州屬梁蕃隋開皇

七年改為玉州九年州廢屬江陵府梁文置安居縣十八年

改曰昭丘大業初改曰荆臺尋省入當陽唐武德四年復置


平州六年改曰玉州八年州廢屬荆州 皇朝置荆門軍

初治此後徙治長林軍廢屬江陵府後復置來屬二漢臨沮

成都府路上

次府成都府自三代以前為蜀國其君曰叢叢曰伯雍曰魚鳧
 曰杜宇曰開明相繼王之周武王伐商蜀人從焉牧誓所謂庸
 蜀是也秦惠王時巴蜀相攻惠王乃使張儀司馬錯等伐蜀取
 之置蜀郡西漢因之蜀王本治廣都樊鄉儀既平蜀乃自赤里
 街移治於少城儀所築也謂之龜城至昭王時李冰為蜀守穿
 二江行成都中以灌溉土田蜀由此為沃野蜀人始未知學漢
 景帝時文翁為蜀守乃立學官教民以經術文藝於是蜀之學
 者比齊魯焉武帝置益州以統之王莽敗公孫述據蜀光武遣
 吳漢討平之亦為蜀郡東漢末劉焉為益州牧始自廣漢之雒
 移治於成都其子璋為劉備所取據其地魏咸熙中遣鄧艾伐
 取之曰武帝改為成都國尋復置蜀郡兼為益州刺史治惠帝
 之末李特僭號於蜀後桓溫滅之其地復為晉有安帝時燕從
 又竊據之為朱齡石所滅宋及齊梁皆因晉舊後周令尉遲迥
 克而有之州郡復因梁焉隋開皇初郡廢大業初復置唐武德
 初改為益州天寶元年又改為蜀郡十五載明皇幸蜀駐蹕成
 都至德二年駕迴秦京乃改蜀郡為成都府又分為劍南西川
 節度唐末王建據之而滅於後唐孟知祥又據之
 皇朝乾
 德三年王師克蜀大平興國六年降為益州端拱元年復升成
 都府劍南西川淳化五年復為益州嘉祐四年復升為府六年
 復為劍南西川今縣九

次赤成都縣在府西古蜀國也秦既平蜀張儀築成都以象咸
 陽為蜀郡治西漢因之漢末又為益州刺史治焉晉宋齊梁
 陳皆因之唐為成都府治成都舊謂之錦官城言官之所織
 錦也亦猶合浦之珠官云又或名之曰錦里城北有升仙橋



蜀人司馬相如將入長安題其柱曰不乘高車駟馬不過
上後奉使歸蜀果如志焉李冰泝水造橋上應七星日中理
橋曰市橋曰江橋曰萬里橋曰笮橋曰永平橋曰長升橋吳
漢伐公孫述光武謂漢曰安軍宜在七星間蓋謂是也沱江
鎮以沱水之所經為名禹貢言岷山導江東別為沱而亦雅
亦言江有沱凡江之別出者皆曰沱非獨此有之故禹治水
於荊州之域亦曰浮于江沱潛漢也武擔山蜀王紀云武都
山精化為女子蜀王納以為妃妃死王憐之令五丁力士擔
土於成都為冢以葬妃故曰武擔今山上有石照存焉
次赤華陽縣在府東本成都縣地唐正觀十七年析置蜀縣乾
元元年更名華陽昔人論蜀之繁富曰地稱天府原號華陽
故晉常據作蜀書誦之華陽國志縣之得名實本諸此府學
有石室漢蜀守文翁興學後人作石室以奉祠之

次畿新都縣漢舊縣也故城在今縣東屬廣漢郡晉置新都郡
於雒而以縣屬焉隋開皇十八年改新都縣曰興樂武德初
省興樂入成都唐武德二年復置新都縣屬益州

次畿郫縣漢舊縣也故城在今縣北屬蜀郡晉宋齊梁周隋皆
因之唐屬益州蜀王杜宇號曰望帝都郫有墓在焉犀浦鎮
本成都縣地唐垂拱二年析置犀浦縣屬益州秦時李冰作
石犀五以厭水精穿石犀渠於南江命之曰犀牛里縣取此
以為名耳不在其地也 皇朝熙寧五年省為鎮入郫縣

次畿雙流縣本漢廣都縣後置靈蜀郡後周郡廢屬蜀郡隋仁
壽元年以太子名廣故改曰雙流唐屬益州秦時李冰穿二
江行成都中故左思蜀都賦六帶二江之雙流按外江在今
羅城之南笮橋下內江在今子城之南衆安橋下自唐乾符
中高駝築羅城遂作屢棗堰轉內江水從城北流又屬而

與外江水合故今子城之南不復成江然則二江雙流未嘗
歷此縣之境特取蜀中事而名之耳

次畿溫江縣本郫縣地西魏析置溫江縣隋開皇初省入郫仁
壽初復置芳春縣大業初又省惠武德三年復置萬春縣屬

益州正觀元年更名溫江有新源水開元二十三年長史章
仇菽墾因蜀王秀故渠益開通之以漕西山竹水

次畿新繁縣漢曰繁縣屬蜀郡晉因之唐為新繁屬益州
次畿黃郫縣本漢舊縣地隋既改廣都曰雙流唐龍朔二年又

析雙流置廣都縣屬益州
次畿靈泉縣本漢成都縣地唐又視元年析蜀縣置東陽縣屬
益州天寶元年更名靈池 皇朝天聖四年改曰靈泉

上眉州秦屬蜀郡漢屬犍為郡晉宋皆因之齊置齊遠郡梁及
後周皆因之隋開皇初廢齊通入眉山郡唐武德二年析嘉州

置眉州天寶元年改為通義郡後復為眉州 皇朝因之統
縣四

望眉山縣本漢武陽縣地後分置齊通縣為齊通郡治梁及後
周皆因之隋開皇初郡廢改齊通曰廣通仁壽元年改為通

義唐置眉州 皇朝太平興國元年改為眉山按西魏置

眉州隋置眉山郡皆在今嘉州其後州縣之名遷於此耳
望彭山縣本漢武陽縣屬犍為郡東漢為郡治焉晉因之後郡

遷于赫道乃改武陽為犍為縣置江州西魏改縣曰隆山以

縣有鼎鼻山地形隆起故也後周省眉州置隆山郡隋開皇初

屬陵州唐觀元年省隆山入通義三年復置來屬先天元
年改為彭山取彭女山為名有彭亡聚相傳彭相亡於此後

漢岑彭伐公孫述次其地惡之會夜不及徙營果為述所害
所殺黃龍鎮在赤水口漢末黃龍見于武陽赤水劉先主以

為受命之祥

望丹稜縣南齊置永樂縣後周因之隋開皇初改曰丹稜屬嘉州唐武德二年來屬

望青神縣本漢南安縣地後周置青神縣及青神郡隋開皇初郡廢屬嘉州唐武德二年來屬舊治思濠水口八年移於今治昔蓋蓋氏衣青衣以勸農桑縣蓋取此為名

望蜀州秦二漢屬蜀郡晉永和初中桓温平蜀置晉原郡宋齊屬晉康郡後周廢隋屬蜀郡唐垂拱二年析置蜀州天寶元年曰唐安郡 皇朝因之今縣四

望晉原縣本漢江原縣屬蜀郡李雄據蜀置江原郡桓温克之置晉原郡縣為多缺後周郡廢改縣為晉原隋屬蜀郡唐垂拱二年置蜀州

望新津縣本漢武陽縣地後周置新津縣以為犍為郡治焉隋開皇初郡廢屬蜀郡唐垂拱二年來屬有天社山通濟堰自中江口引渠南下百二十里至眉州西南入江濠田千六百頃唐開元二十八年採訪使章仇兼瓊開

望江原縣本漢江原縣地後魏置魏通縣大業初省入新津唐武德二年復置唐隆縣屬益州垂拱二年來屬長壽二年改曰武隆神龍元年復曰唐隆先天元年更名唐安後又曰唐興 皇朝開寶四年改唐興曰江原

望永康縣本青城縣之橫渠鎮至蜀廣政中置永康縣屬蜀州有天國山

望彭州秦二漢及晉屬蜀郡桓温平蜀置寧蜀郡梁置東益州西魏置天水郡後周州廢置九隴郡隋開皇初郡廢仁壽初置濠州大業初州廢屬蜀郡唐武德三年復置濠州正觀三年又廢垂拱二年置彭州以天彭山為之漢蒯氏道有天彭山兩山

相對其形如關謂之天彭門亦曰天彭關江水逕其間今在
州特取其名耳天寶元年曰濠陽郡 皇朝因之今縣三

望九隴縣本漢繁縣地晉置晉壽縣後周改為九隴及置九隴
郡隋屬蜀郡唐置彭州武后時益州長吏劉易從決唐昌泔
江鑿川派流合壩口琅岐水溉九隴唐昌田民為立祠有九

隴山

望崇寧縣唐儀鳳二年析九隴道守江郫縣置唐昌縣屬益州垂
拱二年來屬長壽二年改為周昌神龍初復故名 皇朝
開寶四年改為永昌崇寧中改為崇寧

望濠陽縣唐儀鳳二年析九隴汁方維縣置屬益州垂拱二年
來屬有濠水

上綿州秦屬蜀郡漢屬廣漢郡晉宋齊屬梓潼郡後置巴西郡
西魏兼置潼州隋開皇初郡廢改潼州曰綿州以綿水為名大

業初州廢置金山郡唐武德元年復為綿州天寶元年曰巴西
郡 皇朝因之今縣入

望巴西縣本漢涪縣屬廣漢郡後漢伐公孫述裨臧宮進被
涪城斬公孫恢即此西魏改涪曰巴西隋置金山郡唐置綿
州有涪水

望彰明縣本漢涪縣地後置漢昌縣西魏改為昌隆隋屬金山
郡唐屬綿州先天元年改曰昌明後唐改曰彰明有涪水有
唐李白碑白之先世嘗流嶺州其後內移白生於此縣

緊羅江縣本漢涪縣地後置孱亭縣西魏改為萬安及置萬安
郡隋開皇初郡廢屬金山郡唐屬綿州天寶元年改為羅江

按水經注涪水出涪山水源有金銀麻生涪亭而下注涪水今
羅江即古之涪亭則羅江水亦古所謂涪水歟有羅江

因以為名

上神泉縣本漢涪縣地後置西充國隋開皇十一年改曰神泉以縣西有泉能愈疾故也屬金山郡唐屬綿州有綿水

上龍安縣本金山縣後周置隋屬金山郡唐屬綿州武德三年

更名龍安有龍安山西北有松嶺關西昌鎮本益昌縣隋開

皇四年省入金山唐永淳元年復置西昌縣屬綿州

皇朝熙寧五年省為鎮又龍安

中益泉縣唐武德三年析魏城置屬綿州有梓潼水

下石泉縣本漢廣柔縣地屬蜀郡隋為汶山縣地屬汶山郡唐

正觀八年析置石泉縣屬茂州 皇朝熙寧九年來屬蜀有

石細山禹之所生也華陽國志云夷人營其地方百里不敢

居牧畏禹神靈也

上漢州秦屬蜀郡漢屬廣漢郡東漢為郡治兼為益州刺史治

焉晉置新都郡宋齊為廣漢郡隋屬蜀郡唐置漢州洛水出章

唐垂拱二年分置漢州天寶元年為德陽郡 皇朝因之今

縣四

上雒縣漢屬廣漢郡東漢為益州刺史治至劉焉乃徙治成都

晉置新都郡宋齊為廣漢郡隋屬蜀郡唐置漢州洛水出章

山南逕雒縣因取名焉劉備自涪攻雒龐士元中流矢死於

此有嚴君平十臺

望汁方縣漢屬廣漢郡高帝封雒南為侯國晉屬新都郡後周

置曰方寧隋省之唐武德二年析雒縣復置汁方屬漢州有

洛通山即古章山也洛水所出

望綿竹縣漢屬廣漢郡故城在縣東晉屬新都郡後置晉熙郡

隋開皇初郡廢為晉熙縣十八年改曰孝水大業三年復曰

綿竹唐武德三年屬漢州正觀二年州廢屬益州垂拱二年

來屬有紫巖山緇水所出孝泉鎮東漢姜詩所居詩至孝母好飲江水嗜魚膾全側忽有酒泉常出雙鯉

望德陽縣本綿竹縣地東漢析置屬廣漢郡晉因之後周廢焉唐武德三年分雒縣復置屬益州垂拱二年來屬魏將鄧文自由油江出綿竹破蜀將諸葛瞻於此因築京觀有鹿頭關唐高宗文破劉闢守兵於此有劔閣道三十里至險

上嘉州秦屬蜀郡二漢屬犍為郡晉宋齊梁皆因之西魏置眉州取犍眉山為名後周改曰青州取青衣水為名後又改曰嘉州取漢嘉郡為名隋大業初置眉山郡唐武德元年復曰嘉州天寶元年曰犍為郡 皇朝因之今縣五

上龍遊縣本漢南安縣初屬蜀郡故郡通在文帝景帝時而其傳亡蜀郡南安人也武帝平夜郎置犍為郡乃以南安為之屬縣焉東漢以後皆因之後周置峨眉縣隋開皇九年改曰

青衣隋軍伐陳有龍見于江引舟而進十年改曰龍遊唐屬嘉州自西魏以來置眉州青州嘉州眉山郡皆治此漢之青衣本屬蜀郡其地於今為雅之廬山名山公孫述據蜀置青衣不賓光武嘉之陽嘉二年改曰漢嘉劉先主因置漢嘉郡鎮

漢嘉徙陽嚴道旄牛四縣實今之雅州廬山名山也青衣水出廬山激外東南流迳嚴道洪雅夾江至龍遊而與岷江合龍遊居青衣水口有青山青衣津故前世於是置青州

嘉州不知龍遊乃南安故地非青衣漢嘉本土也唐顏師古注漢書彭越傳杜佑述通典嘉州事此以龍遊為青衣蓋失之矣平羌鎮本漢南安縣地後周置平羌縣又平羌郡隋開

皇初郡廢屬眉山郡 皇朝熙寧五年省入龍遊有龍耳峽諸葛忠武觀金山開道蓋今湖瀑峽去 洪雅縣後周洪雅鎮隋開皇十三年置縣屬眉山郡唐武德

元年置犍州正觀元年州廢屬眉州開元七年置義州其
僚戶置南安平鄉二縣八年州廢省二縣以洪雅屬眉州

皇朝淳化四年來屬

中夾江縣本漢南安縣地隋開皇三年析龍遊平羌置屬眉山

郡唐屬嘉州舊治涇上武德元年移於今治

中峨眉縣本漢犍縣地隋開皇十三年置屬眉山郡唐屬嘉州

有峨眉山大渡河緱山鎮隋招致生獠於榮樂城置緱山縣

取旁山以為名唐屬嘉州 皇朝乾德四年省入峨眉

下犍為縣本武陽縣後周置隋開皇初改曰犍為屬戎州唐上

元元年來屬其後遂以嘉州為犍為郡按漢武帝開夜郎置

犍為郡因山立名初治營縣其地蓋在今瀘南徽外後徙治

犍道今戎州是也東漢及晉徙治武陽今眉州彭山是也始

雖因平夜郎以置犍為然郡之比境大半本巴蜀舊縣如南

安武陽牛鞞資中江陽犍道是也而漢史地理志夜郎縣乃

屬牂柯郡則知今嘉州非夜郎故地夜郎蓋於今為珍播等

州人徒見嘉州號犍為郡及領犍為縣遂以為本夜郎因杜

佑述通典亦承誤焉郡之東山有大石雙峙說者以為唐蒙

開夜郎立此石闕以表之抑又妄矣

上邛州秦屬蜀郡二漢及晉皆因之宋齊屬晉康郡梁置邛州

西魏因之及置臨邛郡隋開皇初郡廢大業初州廢屬臨邛郡

唐武德元年置邛州天寶元年曰臨邛郡今縣六

望臨邛縣漢晉屬蜀郡西魏置臨邛郡隋開皇初郡廢唐顯慶

二年邛州自依政徙治焉漢司馬相如醪酒令又君當壚相

如滌器於市中即此臨溪鎮本臨邛縣地西魏分置臨溪縣

隋省之唐復置屬邛州 皇朝熙寧五年省入臨邛

至依政縣本臨邛縣地梁置邛州西魏因之及置依政縣隋大業

初州廢唐初卽州治此後徙治臨卽

望安仁縣唐武德三年析臨卽依政置屬卽州正觀十七年省

咸亨元年復置有斜江水

望天邑縣唐咸亨二年析益州之晉原置屬卽州有鶴鳴山後

漢張道陵隱居于此著作符書有斜江水

上蒲江縣本臨卽縣地西魏置廣定縣及蒲原郡隋開皇初郡

廢仁壽初改廣定曰蒲江屬臨卽郡唐曰蒲江屬卽州有蒲

江

中火井縣本臨卽縣地後周置火井鎮隋末升為縣唐屬卽州

有火井舊說云欲出其火先以家火投之頃更隆隆如雷聲

爛然通天光曜十里至思蜀都賦云火井沉熒於幽泉煇煇

飛煽於天垂今無復見矣有卽池李膺記曰臨卽老姥得水

蛇飼之漸長丈餘後姥為令所殺蛇見夢於令曰我當報汝

是夜四十里俱陷為湖按陷池在卽都今為化外舊州非臨

卽也

輿地廣記卷第二十九

馮祐庚戌郡守朱申重修

元州

輿地廣記卷第三十

成都府路下



上黎州漢屬蜀越雋二郡晉時李特據蜀置漢源郡後周置黎州隋仁壽初置登州大業初州廢唐武德元年復置九年又廢大足元年置黎州神龍三年州廢開元四年復置天寶元年曰洪源郡後曰漢源郡今縣

下漢源縣本嚴道縣地李特置漢源郡桓温平蜀廢之隋大業初置漢源縣屬臨邛郡唐武德四年置登州九年州廢屬雅州正觀二年屬雋州永徽三年復故大足元年置黎州取古

沉黎郡為名有邛崃九折坂漢王陽為益州刺史行部至此嘆曰奉先人遺跡奈何數乘此險後王尊為刺史至坂叱其馭曰驅之王陽為孝子王尊為忠臣漢源鎮本縣所治後徙治於州郭而後縣為鎮通望鎮本陽山縣唐武德元年折

雋州之臺登置屬登州九年州廢屬雅州正觀二年屬雋州大足元年屬黎州天寶元年改曰通望 皇朝慶曆七年

省入漢源故飛越縣唐儀鳳二年折漢源置以飛越山為名初屬雅州後屬黎州五代之改省入漢源按沉黎郡本梓州地漢武帝開之置郡既而罷之本特據蜀復置沉黎郡桓温平蜀廢宋齊以來復置後唐置黎州及沉黎郡尋並廢隋開皇初置沉黎縣仁壽初置益州大業初州廢後縣亦省其地在於今化外雋州之域所謂古沉黎城是也

上雅州秦屬蜀郡西漢因之東漢為蜀郡屬國劉備置漢嘉郡晉因之永嘉後亂離此地蕪廢西魏開生獠置蒙山郡隋初郡廢置雅州煬帝初州廢置臨邛郡唐復曰雅州天寶元年曰盧山郡今縣五

中嚴道縣漢屬蜀郡漢制縣有蠻夷曰道晉屬漢嘉郡西魏置

始陽縣及蒙山郡隋開皇初郡廢十三年改始陽曰蒙山尋置雅州大業初置臨邛郡改蒙山縣曰嚴道唐復曰雅州有蔡山禹貢所謂蔡蒙旅平是也今曰周公山始陽鎮本漢徙縣屬蜀郡晉曰徙陽屬漢嘉郡西魏曰始陽唐以為鎮

上廬江縣本漢青衣縣地屬蜀郡隋置廬山鎮仁壽末升為縣屬臨邛郡唐屬雅州儀鳳二年析置大渡縣是安二年省靈開寨本漢靈關道屬越嶲郡後廢唐初置靈關縣武德六年省晉左思蜀都賦云廓靈關而為門謂此也

中名山縣本漢青衣縣地西魏置蒙山縣隋開皇十三年改始陽曰蒙山而改蒙山曰名山屬臨邛郡唐屬雅州漢蓋越徙蜀青衣蓋在此也有禹貢蒙山

文山

中下榮經縣本嚴道縣地晉屬漢嘉郡唐武德三年置榮經縣屬雅州有岷嶽山漢淮南厲王徙嚴道即此有故銅山漢文帝賜鄧通嚴道銅山得自鑄錢蓋此山也

上茂州本冉駹國漢武帝開其地置文山郡尋罷屬蜀郡東漢靈帝時復置文山郡晉末齊皆因之梁置繩州及北部郡後周改繩州曰汶州隋初郡廢改汶州為蜀州尋改曰會州大業初州廢復置汶山郡唐武德元年復曰會州四年曰南會州正觀八年更名茂州取茂濕山為名天寶元年曰通心郡今縣二

下汶山縣本漢汶江前氏三縣地文山郡治焉故城在今縣北二里郡罷屬蜀郡後復置汶山郡及汶山縣晉因之宋曰廣陽縣梁置北部郡開皇初郡廢屬會州仁壽元年後改廣陽曰汶山唐置茂州禹貢岷山在西北俗謂之鐵豹嶺禹貢江發跡於此河圖括地象曰岷山之精上為井絡帝以會

神以建福故泉流深遠為四瀆之首

下汶川縣本漢綿鹿廣柔二縣地初屬汶山郡尋屬蜀郡晉屬
汶山郡後周置汶川縣及汶山郡隋開皇初郡廢屬會州唐
屬茂州 皇朝熙寧九年即縣治置威戎軍使有王聖山

與導江相連前木所出

下簡州秦屬蜀郡漢屬犍為郡東漢及晉皆因之宋齊屬蜀郡
西魏置資州及武康郡後周移州治資中隋置簡州以賴簡池
為名煬帝初州廢併其地入蜀郡唐武德三年復置簡州天寶

元年曰陽安郡今縣二

上陽安縣本漢牛鞞縣屬犍為郡東漢及晉皆因之西魏改牛
鞞為陽安置武康郡隋開皇初郡廢仁壽初置簡州天寶初
州廢唐復置

中平泉縣本漢牛鞞縣也西魏置漢陽縣隋開皇十八年更名

屬蜀郡唐屬簡州貴平鎮本漢廣都縣地西魏置貴平縣及
和仁郡隋開皇初郡廢屬簡州唐因之 皇朝熙寧五年
省入平泉

下威州蓋古舟駭國漢武帝開之屬文山郡蜀劉禪時姜維馬

忠等討汶山叛羌即此地也唐武德七年白狗羌降附乃於姜

維故城置維州領金山定廉二縣正觀元年羌叛州縣俱廢二

年後立維州移治於姜維城東麟德二年自襄慶州為正州天

寶元年曰維州郡廣德元年沒吐蕃初吐蕃已陷河西隴右更

欲圖蜀川累攻維州不下乃以婦人嫁維州門者二十年中生

二子及蕃兵攻城三丁內應城遂陷吐蕃得之號無憂城韋皇

在蜀收復不克大和中守將悉怛謀以州歸唐李德裕受之而

為牛僧孺所沮復棄其地大中三年杜棕鎮蜀吐蕃亂首領

內附乃復屬西川 皇朝景祐三年以京師發維州斷嶺文

書誤至維州因改曰威州謂唐置此州以威制羌戎故也今縣

二

下保寧縣本薛城隋初蜀師討叛羌以其地置薛城戍大業末
沒於羌唐武德元年置維州正觀二年自姜維故城徙州治
此及置薛城縣後改曰保寧有沱水自羈鞮悉州流出東逕
保寧又東逕棋春又東逕通化又東逕嘉會又東至汶州與
大江合

下通化縣本漢廣柔縣地隋開皇初置金州縣仁壽初改曰通
化屬汶山郡後廢焉唐咸亨二年以生羌戶置小封縣後復
改曰通化屬茂州後屬維州 皇朝天聖元年改曰金川
景祐四年復舊治平三年即縣治置通化軍使縣在保霸二
州之間

祺州唐開元二十八年以維州之定廉縣置奉州及雲山郡天

寶元年徙治天保軍更郡名曰天保郡廣德元年沒吐蕃乾元
元年嗣歸誠王董嘉俊以州來歸更州名保州以嘉俊為刺史
又更曰古州其後復曰保州領縣四曰定廉本隋定廉鎮後沒
於羌武德七年招白狗羌置曰歸順曰雲山皆天寶八年析定
廉四曰安居沒蕃後縣皆廢唯首領董氏世襲刺史羈縻於威
州 皇朝政和四年刺史董氏入朝以其地置祺州今縣一
春祺縣本定廉縣地 皇朝政和四年置

亨州漢為廣柔縣地屬蜀郡晉屬汶山郡唐天寶元年招附生
羌置霸州及靜戎郡領縣四曰安信曰牙利曰保寧曰歸化唐
德元年沒吐蕃後縣皆廢首領董氏歸附世襲刺史羈縻於威
州 皇朝政和四年刺史董氏入朝以其地置亨州今縣一
嘉會縣本信安縣地 皇朝政和四年置舊保霸二州在威
州之裏名為羈縻而據吾腹脅不為它等雖受爵命而猶以

番夷自待恭順之心未能純壹往往多幸生志擾攘藉口
之和好因挾以自重而邀厚賞近緣二酋挈籍自獻於是
詔令建築郡邑置吏以治之無亡矢遺鏃之費而土為王土
民為王民自茂如威不涉異域有久逸永寧之道焉

同下州永康軍自秦至隋屬蜀郡唐屬彭蜀二州 皇朝乾

德四年置永康軍治導江之灌口鎮熙寧五年軍廢元祐初復

置今縣二

望導江縣本漢郫綿虎三縣地屬蜀郡蜀置都安縣屬汶山郡

後周改都安曰汶山隋改廣陽曰汶山在茂州郭下而此縣

廢舊治灌口唐武德元年以其地置盤龍縣尋更名曰導江

移於今治屬益州三年屬濠州正觀元年州廢屬益州後改

曰灌寧垂拱二年屬彭州開元中復為導江 皇朝乾德

四年來屬而以灌口為軍治熙寧五年軍廢復屬彭州元祐

初來屬有玉壘山與汶州相連左思蜀都賦所謂包玉壘而

為空島也有替嶽崖關以扼西山之走集秦時蜀守李冰作大

堰於江以溉諸縣作三石人於白沙郵立水中刻字為約口

水竭不至足盛不沒晉是以蜀人不知飢饉沃野千里出號

陸海有廣濟王廟所以祠水也

望青城縣本漢江源縣地後置齊基郡後周郡廢改曰青城縣

隋屬蜀郡唐垂拱二年屬蜀州開元十八年去水作青城

皇朝乾德四年來屬熙寧五年軍廢復屬蜀州元祐初來屬

有青城山

同下州仙井監秦屬蜀郡二漢屬犍為郡晉及宋齊皆因之梁

置懷仁郡後周置陵州取陵井為名隋置隆山郡唐武德元年

復為陵州天寶元年曰仁壽郡 皇朝熙寧五年廢為陵井

監政和三年改為仙井今縣二

望仁壽縣漢武陽縣地晉置西城戍以為鹽井之防梁置懷仁郡西魏改西城戍置普寧縣隋開皇初郡廢十八年改普寧為仁壽縣大業初置隆山郡唐為陵州有陵井東漢張道陵所開有毒龍藏井中及鹽神玉女十二為崇天師以道力駢出毒龍甚至女於井下然後人獲鹹泉之利 皇朝不欲斥天師名故改陵井為仙井有天師廟今為至道觀有玉女祠今號靈平真人

中下井研縣漢武陽縣地東漢置西陽郡西魏置蒲亭縣隋改為井研屬隆山郡唐屬陵州始建鎮隋開皇十一年置縣隸陰山郡唐屬陵州 皇朝咸平四年省入井研

成都府路化外州

十都督府松州本諸羌之地後周置扶州及龍涸郡隋隸同昌汶山二郡唐武德元年置松州以地產甘松為名天寶元年曰交川郡東至扶州南至翼州西北接吐蕃領縣四

下嘉誠縣後魏時白水羌豪舒治據此地其子舒敷遣使朝貢乃封為甘松縣子始置甘松縣魏亂又絕後周復招慰之天和六年置扶州領龍涸郡隋開皇三年郡廢而州徙治于同昌改甘松縣為嘉城屬同昌郡唐置松州有甘松嶺江水之所發源也

下交川縣隋開皇初置屬汶山郡唐武德元年來屬

下平唐縣唐垂拱元年析交川及當州之通軌翼針置屬當州天寶元年來屬

下鹽泉縣

下當州本諸羌之地後周置覃州及卑川榮鄉二郡隋開皇初郡廢四年州廢屬汶山郡唐正觀二十一年析松州置當州以地產當歸為名天寶元年曰江源郡東至翼州南至翼水縣

北至松州西北接生羌領縣三

中下通軌縣後周置隋屬汶山郡唐屬松州正觀中羌酋董和那達固守松州有功於是析松州之通軌置當州以和那達為刺史後其子屈寧襲焉

下利和縣顯慶二年析通軌置

下谷和縣文明元年開生羌置

下悉州本生羌之地後周置廣年左封二郡隋開皇初並廢屬汶山郡唐顯慶元年析當州置悉州以悉唐川為名天寶元年曰歸誠郡東兩全翼州西北至當州領縣二

中左封縣本廣年後周置隋仁壽初改曰左封屬汶山郡唐武德元年屬翼州正觀二十一年屬當州顯慶元年生羌首領董係北射內附乃以左封置悉州并置悉唐識曰二縣治悉唐以係北射為刺史咸亨二年徙治左封而以悉唐置靜州

下歸誠縣垂拱二年析左封置

下靜州六諸羌之地唐置悉州後州徙焉儀鳳二年置南和州

天授二年改為靜州天寶元年曰靜川郡東至悉州南至威州

西至平戎城北至當州領縣三

中悉唐縣唐顯慶元年置為悉州治焉咸亨元年悉州徙治左封而以悉唐置翼州都督府儀鳳元年翼州還治翼封乃於悉唐置南和州後改曰靜州

中靜居縣有靜川州縣所以取名也

下清道縣

下恭州本諸羌之地唐為廣平縣屬靜州開元二十四年分置

恭州天寶元年曰恭化郡東至柘州南至威州北至吐蕃曰崖

鎮領縣三

下和集縣本廣平縣屬靜州開元二十四年置恭州天寶元年

改曰和集

下博恭縣開元二十四年析廣平置

下烈山縣開元二十四年析廣平置

下柘州本諸卷之地唐顯慶三年開置天寶元年曰蓬山郡東

至靜州南至威州北至恭州松嶺鎮領縣二

下拓縣

下喬珠縣

下翼州本漢蠡陵縣地屬文山郡郡廢屬蜀郡晉復屬汶山郡

後周置翼針縣及翼針郡隋開皇初郡廢屬會州後屬文山郡

唐武德元年析置翼州天寶元年曰臨翼郡東至石泉縣南至

茂州西至悉州北至松州領縣三

下衛山縣本翼針天寶元年更名

下翼水縣後周置曰龍求及置清江郡隋開皇初郡廢改縣曰

清江十八年又改曰翼水漢蠡陵縣故城在今縣西

下峨和縣

下真州本隋翼水縣地唐屬翼州天寶五載析置昭德郡乾元

元年改曰真州領縣四

中下真符縣天寶五年析雞川昭德一勝置以為州治

中下雞州縣先天元年析翼水縣開生僚置屬悉州天寶元年

屬翼州五載來屬

下昭德縣本識曰縣顯慶元年開生僚置屬悉州天寶元年屬

翼州改曰昭德五年來屬

中下昭遠縣

下乾州本諸卷之地唐大曆三年開西山置領縣二

下招武縣

下寧遠縣

此本南夷故漢武帝開之置益州郡東漢分益州

置永昌郡蜀郡氏分永昌置建寧郡又分永昌建寧置雲南郡

置及夫孫皆因之兼置益州西魏周隋不能遠有唐武德四年

安撫二使三年英泰置姚州於漢之雲南故地以此川內人多姚

姓因以名之德元年徙州治於弄棟川雲南郡後南詔蠻附

羅鳳舉攻後雲南太守張虔陀自是姚州沒於南詔自雋州南

至西盧經陽蓬屯谷青上會川四百五十里至瀘州乃南渡瀘

水經云長微州三百五十里至姚州州西距南詔羊首城三

百里領三

下姚州城漢弄東縣地

下瀘南縣本長城垂拱元年置天寶初更名

下長明縣

中書省府雋州本南夷故印都國漢武帝開之置越焉郡東漢

晉末皆因之後周置嚴州隋開皇六年改曰西益州十六年又

改曰雋州大業初復置越雋郡唐武德元年改曰雋州至德二

載改曰蒼元元二年節度使韋臯以兵收復之本治越雋縣

大和五年在蒼蠻地所破六年李德裕徙州治臺登縣南至姚州

北至初州雋縣九

中書登縣漢屬越雋郡有孫水司馬相如檄文所謂梁孫源是

也晉田之一分曰沙江後周置白沙郡隋開皇初郡廢屬

雋郡初為郡治

中越雋縣本漢印都縣地為越雋郡治焉後置越雋縣

中印都縣本漢蘭縣屬越雋郡後周置印都縣及中部郡隋明

皇初郡廢來屬

中初縣本漢蘇示縣屬越雋郡後周平南夷於故城復置及

置亮善郡隋開皇初郡廢來屬

中西漢縣本中郡縣地梁置可泉縣及宜化郡隋開皇初郡廢

來屬唐天寶元年改可泉曰西漢

中昆明縣本漢定作縣屬越巂郡後周置定作鎮唐武德二年
改為昆明縣昆明在舊之西南山巖南寧州諸蠻所居是
也

中和集縣唐正觀八年置

中昌明縣唐正觀二十二年開拓外蠻置牢州及松外羣蠻林
開三縣永徽三年州廢置三縣入昌明

中會川縣本中郡縣唐上二年徙治會川因更名有瀘澤頭
瀘水出曲羅東下三百里地曰瀘水兩峯有殺氣暑月舊不
行故諸葛亮表言五月渡瀘深入不毛也其水下合繩水
水孫水奄永遙馬湖地曰馬湖江東北至叙州與岷江合

輿地廣記卷第三十



輿地廣記卷第三十一

梓州路

緊梓州春秋戰國為蜀地秦屬蜀郡二漢晉宋齊屬廣漢郡梁末置新州西魏置昌城郡隋開皇初郡廢後改新州為梓州大業初州廢置新城郡唐武德元年曰梓州天寶元年曰梓潼郡乾元後升為劍南東川節度 皇朝乾德四年改靜戎軍太平興國三年改安靜軍端拱二年復故今縣九

望都縣二漢屬廣漢郡晉省之置五城縣梁置新州西魏改五城曰昌城置昌城郡隋改新州曰梓州大業初置新城郡改

昌城曰都唐置梓州其城左帶涪水右挾中江居水陸之衝要漢都縣故城在西南有牛頭山宜君山涪水中江都江

望中江縣晉五城縣地後周置玄武郡東有一山如龜蛇因以名焉隋開皇初郡廢改曰玄武仁壽初置凱州大業初州廢

屬蜀郡唐武德三年來屬 皇朝大中祥符五年改為中江有天柱山中江

望涪城縣漢涪縣地東晉置始平郡西魏改郡為涪城後周又改曰安城隋開皇初郡廢置安城縣十六年改為涪城屬金山郡唐大曆十三年來屬有涪江

緊射洪縣漢都縣地西魏置射江縣婁縷灘東六里有射江因以為名後周改曰射洪隋屬梓州唐因之有白崖山涪水梓潼水射江

緊監亭縣漢廣漢縣地梁置監亭縣西魏置監亭郡隋開皇初郡廢屬梓州唐因之有負戴山

中通泉縣漢廣漢縣地後置通泉縣及西宕渠郡西魏改郡曰通泉隋開皇初郡廢改縣曰通泉屬梓州唐因之廣漢縣二

漢屬廣漢郡晉為郡治宋徙郡治維元魏改縣曰廣魏後改



曰光漢隋開皇初省入通泉有涌泉山涪水

中飛鳥縣漢鄴縣地隋開皇中置飛鳥鎮因升為縣因山為名

唐因之有哥郎山鄴江

中銅山縣漢鄴縣地其南可象山西北私谿山皆有銅唐正觀

二十三年置鑄錢官調露元年罷而析鄴飛鳥置銅山縣有

飛鳥山會軍堂山鄴江

中下東關縣蜀置招葺院 皇朝乾德四年以其地置東關

縣有鼓樓山楊桃溪

安泰尉司本永泰縣唐武德四年析監亭及劍州之黃安閬州

之而水置 皇朝熙寧五年省為鎮入監亭十年復置永

泰尉司後改曰安泰

都督府遂州春秋戰國為蜀地秦屬蜀郡二漢及晉屬廣漢郡

東晉桓溫平蜀於德陽界東南置遂寧郡宋因之齊梁曰東遂

寧後周置遂州改郡曰石山隋開皇初郡廢大業初州廢置遂

寧郡唐武德元年曰遂州天寶初曰遂寧郡 皇朝因之今

縣五

望小溪縣漢廣漢縣地東晉置遂寧郡齊梁曰東遂寧置小溪

縣西魏改縣曰方義後周置遂州改郡曰石山隋復為遂寧

郡唐復為遂州 皇朝太平興國元年復改縣曰小溪有

銅盤山涪江

望蓬溪縣本唐興縣唐永淳元年析方義置長壽二年曰武豐

神龍元年復故名景龍二年析置唐安縣先天二年省天寶

元年改唐興曰蓬溪有寶王山蓬溪

緊長江縣本巴興縣東晉置西魏改曰長江隋唐因之有明月

山鳳凰川涪江

緊青石縣本晉興縣東晉平蜀置屬巴西郡西魏改曰始興後

又曰青石隋唐因之有青山出青石可以為磬有涪江

中遂寧縣唐景龍元年以故廣漢縣地置有梵雲山大安溪

中梁州春秋戰國為巴子地秦屬巴郡二漢因之晉屬巴西郡

宋置南宕渠郡齊梁後周因之隋開皇初郡廢屬隆州大業初

屬巴西郡唐武德四年置果州天寶元年曰南充郡 皇朝

因之今縣三

望南充縣本二漢安漢縣屬巴郡晉屬巴西郡宋屬南宕渠郡

隋開皇十八年改縣曰南充唐置果州流溪鎮唐開耀元年

析南充置流溪縣 皇朝熙寧六年省入南充有果山嘉

陵江

望西充縣唐武德四年析南充置有西充山西溪水

上相如縣漢文漢縣地梁置梓潼郡西魏廢郡置相如縣南

二十里有司馬相如故宅因以名焉隋屬巴西郡唐武德四年

來屬有琴臺鎮龍角山嘉陵江

上賀州春秋戰國為蜀地秦屬蜀郡二漢屬犍為郡晉宋齊因

之後周自今陽安徙資州治此及置資中郡隋開皇初郡廢大

業初州廢置資陽郡唐武德元年改為資州天寶元年曰資陽

郡 皇朝因之今縣四

緊盤石縣本二漢資中縣屬犍為郡晉宋齊因之後周徙資州

治此及置資中郡而改資中縣為盤石隋置資陽郡唐為資

州月山丹山銀山三鎮皆故縣隋義寧二年同置屬資陽郡

唐屬資州 皇朝乾德五年並省入盤石有盤石山中江

緊資陽縣後周析資中置隋屬資陽郡唐屬資州有獨秀山資

水 中下龍水縣漢資中縣地隋義寧二年置屬資陽郡唐屬資

有龍水

下內江縣漢資中縣地後周於中江水濱置漢安成遂改為中江縣隋改曰內江屬資陽郡唐屬資州有中江資水

上普州春秋戰國為巴蜀之境秦屬巴蜀二郡二漢屬巴犍為二郡晉李雄亂後為羗夷所據至梁乃招撫之置普慈郡後周

置普州隋開皇初郡廢大業初州廢屬資陽郡唐武德三年置普州天寶元年曰安岳郡 皇朝因之今縣三

中下安岳縣漢墊江縣地屬巴郡後周置安岳縣及置普州隋大業初州廢唐復置普康鎮本永康縣後周置屬普慈郡隋

屬普州開皇十八年改曰隆康大業初屬資陽郡唐屬普州先天元年改曰普康 皇朝乾德五年省入安岳有安岳

山岳陽溪 下安岳縣漢牛鞞縣地屬犍為郡後周置柔剛縣及安居郡隋開皇初郡廢屬普州十八年改為安居縣大業初屬資陽郡

唐屬普州崇龕鎮本隆龕縣唐武德三年置先天元年改曰崇龕 皇朝乾德五年省入安居有柔剛山崇龕山安居

水 下樂至縣漢資中縣地屬犍為郡唐武德三年置普慈鎮本樂置普慈郡及多業縣後周因之隋開皇初郡廢十三年改縣

為普慈屬普州大業初屬資陽郡唐屬普州 皇朝乾德五年省入樂至有婆娑山樂至池

上曰州春秋戰國為巴蜀之境秦屬巴蜀二郡二漢及晉屬巴犍為二郡隋屬資陽瀘川涪陵三郡唐屬資州瀘合四州乾元

二年析置昌州大歷六年州縣廢其地各還故屬十年復置後曰昌元郡 皇朝因之今縣三

上大足縣本合州巴川縣地唐置屬昌州光啓元年州徙治焉及以普州普康縣地置靜南縣屬昌州後省入有牛鬪山太

足川

上昌元縣本資州內江縣地唐置為昌州治光啓元年州徙治大足有葛仙山賴波溪

上永川縣本瀘州瀘川縣地唐置屬昌州亦得渝州璧山縣地有綾錦山侯溪

上叙州春秋戰國為楚侯國秦屬蜀郡漢置犍為郡東漢晉宋齊皆因之梁兼置戎州及六同郡後周因之隋開皇初郡廢大業初州廢置犍為郡唐武德元年復曰戎州天寶元年曰南溪郡 皇朝政和四年改名今縣二

上宜賓縣本楚侯國秦曰楚道漢置犍為郡初治犍縣後徙治此東漢又徙武陽而以楚道為屬縣梁置戎州隋置犍為郡唐復置戎州初治南溪正觀中徙治楚道長慶中復治南溪皇朝又治楚道政和四年改縣曰宜賓故楚道縣在馬湖江

會漢武帝使縣令開西南夷勞費無成使者唐蒙斬之乃鑿石開道以通南中今石門是也宜賓鎮本郁郢縣隋末置屬戎州唐天寶元年改為義賓 皇朝太平興國元年改曰宜賓熙寧四年省故開邊縣漢楚道縣地隋開皇六年置屬戎州唐正觀四年屬南通州八年來屬 皇朝乾德五年省入楚道故歸順縣唐聖曆二年分郁郢縣置以處生獠乾德五年省入楚道有黃泉山大江馬湖江馬湖之上源曰若水出旄牛激外東南流鮮水注之又東南逕大沱與繩水合又南逕印都又南逕會無孫水注之又南逕遂久蜻蛉水注之又南逕三絳淹水注之又與母血水合又東逕姑復涂水注之又東逕馬湖為馬湖水又東北至朱提與瀘水合而瀘水上流有蘭倉水出博南東北流會類水禁水北注瀘津自朱提以下通為瀘水又東北至楚道入于大江

中南溪縣漢夔道縣地梁置南廣縣及六同郡隋開皇初郡廢
仁壽初改縣曰南溪屬戎州唐因之有平蓋山大江馬湖江
漢志云南廣有汾關山符黑水所出北至夔道入江即今南
廣溪也梁以此縣為南廣蓋取其名耳

上瀘州春秋戰國為巴地秦屬巴郡二漢屬犍為郡蜀章武元
年立江陽郡晉宋齊梁因之梁兼立瀘州後周因之隋開皇初
郡廢大業初州廢為瀘川郡唐武德元年曰瀘州天寶元年曰
瀘川郡 皇朝因之今縣三

中瀘川縣本江陽縣二漢屬犍為郡蜀屬江陽郡晉為江陽郡
治焉梁立瀘州隋開皇初郡廢大業初立瀘川郡改縣曰瀘
川唐因之為瀘州治有大江內江內江上源曰洛水縣據江
洛會枕帶雙流

中江安縣本漢安縣東漢置屬犍為郡蜀為江陽郡治晉宋齊
梁後周皆因之隋屬瀘州開皇十八年改曰江安唐因之
縣水縣漢江陽縣地梁置屬江陽郡隋屬瀘州唐因之
皇朝乾德五年省入江安有方山大江綿溪

中合江縣本漢符縣地屬犍為郡武帝使唐蒙將萬人從巴符
關入夜郎即此東漢曰符節晉復曰符屬江陽郡後置安樂
縣後周改為合江隋屬瀘州唐因之有安樂山安樂溪漢志
南廣有大涉水北至符入江即此水也縣在安樂水會

中合州春秋戰國為巴地秦屬巴郡二漢晉因之宋置東宕渠
郡齊梁因之西魏改為墊江郡兼置合州後周因之隋開皇初
郡廢改州曰涪州大業初州廢為涪陵郡唐武德元年曰合州
天寶元年曰巴川郡 皇朝因之今縣五

中石照縣本墊江縣二漢晉屬巴郡東晉寧康二年桓石虔破
符堅將姚長於墊江即此宋齊梁為東宕渠郡西魏改郡為

墊江縣曰石鏡又置合州隋為涪州涪陵郡唐為合州

皇朝乾德三年改縣曰石照有銅梁山嘉陵江

中漢初縣梁置新興郡西魏改郡曰清君而置漢初縣隋開皇

初郡廢屬合州唐因之有江陵山嘉陵江

中巴川縣唐開元二十三年析石鏡銅梁置屬合州有小安溪

巴川

中下赤水縣隋開皇八年析石鏡置屬合州唐因之有朝霞山

赤水

中下銅梁縣唐長安三年置屬合州有銅梁山悅池

下榮州春秋戰國為蜀地秦屬蜀郡二漢晉宋立南安郡後廢

隋屬資陽郡唐武德元年立榮州天寶元年曰和義郡

皇朝因之今縣四
中下榮德縣本旭川唐正觀元年析大牢置屬榮州永徽二年

州自大牢徙於此 皇朝治平四年改為榮德公井鎮後

周置唐武德元年改為縣而立榮州治此正觀元年州徙大

牢 皇朝熙寧四年省入榮德有榮德山大牢溪

中威遠縣隋開皇初以威遠成置資州唐武德元年來屬正觀

元年析置渡日至如一縣一年以瀘州之隆越入焉故在義

縣隋末置屬瀘州正觀八年來屬 皇朝乾德五年省入

焉有鐵山中江

中下資官縣隋末置屬嘉州唐武德六年來屬有白崖山瀕斯

水 中下應寧縣本大牢隋開皇十三年置屬資州唐武德元年來

屬六年州自公井徙治於此永徽二年徙治旭川景龍二年

省雲州及羅水雲川胡連三縣入焉天寶元年更名有應靈

山應靈水

下渠州春秋戰國為巴地秦二漢屬巴郡晉初屬巴西郡惠帝分置宕渠郡宋齊屬巴渠郡梁立渠州西魏立流江郡後周因之隋開皇初郡廢大業初州廢為宕渠郡唐武德元年曰渠州天寶元年曰流江郡 皇朝因之今縣三

聚流江縣本宕渠二漢屬巴郡蜀屬巴西郡晉惠帝立宕渠郡後廢梁立渠州西魏立流江郡及置流江縣隋曰宕渠郡唐曰渠州故大竹縣唐又視元年分宕渠置屬蓬州至德二年來屬寶曆元年省入瀘山後復置 皇朝景祐二年省入焉有宕渠山流江古寶城流江即渝水也來水上下皆貧民所居漢高祖入關從定三秦其人勇健好歌舞帝愛習之所謂巴渝舞是也

下隣水縣梁置鄰水縣及立鄰州西魏立鄰山郡隋開皇初郡廢屬渠州唐武德元年屬瀘州三年來屬寶曆元年省入瀘山後復置有瀘水

下瀘山縣唐武德元年析瀘水置及立瀘州八年州廢來屬有瀘山瀘水

同下州懷安軍春秋戰國為蜀地秦屬蜀郡二漢屬廣漢郡晉屬新都郡西魏立金淵郡後周郡廢隋屬蜀郡唐屬簡州皇朝乾德五年立懷安軍今縣二

望入平水縣漢新都縣地東晉朱齡石於東山置金淵戍西魏置金淵縣及立郡焉隋屬蜀郡唐武德元年避高祖名改曰金水 皇朝立懷安軍有金堂山中江

望金堂縣唐咸亨三年析雒新郡置屬益州垂拱二年屬漢州皇朝乾德五年來屬有金堂山中江

同下州廣安軍春秋戰國為巴地秦二漢屬巴西郡晉屬巴西郡後屬宕渠郡宋齊屬巴渠郡西魏流江宕渠執江三郡隋屬宕

是書刊於九江前後共修三改故各頁間自多異別且有影刊重刊之分其初者板
式古樸字畫渾厚非比宋刊者難得如此以南宋小字本視之多有不同處
字間相點較多有高左低右者其多傾斜橫隙字畫轉折亦見拙直
肥短且多脫斷余曾見又藏本曾見歌行篇曾塔塔塔塔亦有諸特徵
若將兩宋初年諸州所刊者相較益足證余所刊字畫皆係宋本板區寬大
二刊同在一省而九江且是通都大邑何竟不如此也蓋宋初南遷後
江南異俗常於展文化進步更是一日千里刻工技藝改進進理所必然但
據黃堯圃先生所跋云此本乃是西唐本或以其刊前尚經多版密

渠巴西涪陵三郡唐屬渠東合三州 皇朝開寶二年置廣
安軍今縣三

中渠江縣本始安縣宋置屬巴郡西魏屬流江郡隋開皇十八
年改曰賓城屬宕渠郡七夷謂其布曰賓故謂之賓人唐武

德元年曰始安屬渠州天寶元年改曰渠江 皇朝開寶
二年來屬有富靈山渠江

緊岳池縣方歲通天二年析南充相如置屬果州 皇朝開
寶二年來屬有安岳山岳池水

中新明縣唐武德三年析石鏡置屬合州 皇朝開寶二年
來屬有龍池山嘉陵江

長寧軍蓋漢犍為郡之漢陽縣地唐置羈縻長寧等十州隸瀘
州都督府 皇朝置洧并監屬瀘州熙寧八年夷人獻納十


州地以屬焉政和四年改置長寧軍

富順監自齊梁以前地理與瀘州同後周置富世縣以富世監
并為名又立洛源郡隋開皇初郡廢屬瀘州唐正觀二十三年

改縣曰富義 皇朝乾德四年以其地置富義監太平興國
元年改曰富順治平元年置富順縣熙寧元年省

輿地廣記卷第三十

淳祐庚戌郡守朱中重修



校勘四庫日中身也所以脫誤較少竟對此書有所補正也 齊上又記

1850

1850

